



-h

ARCVS

SEVERI AVG


ANGLYPTIS

CONFLICATIONE

IOSEPHI MARIAE

SVARESI

Imprimatur



ROMAE TYPIS MDCCLXX

Imprimatur

A R C V S
L SEPTIMII SEVERI AVG.
A N A G L Y P H A
C V M E X P L I C A T I O N E
I O S E P H I M A R I A E
S V A R E S I I
Episcopi olim Vafionensis.



ROMAE, TYPIS BARBERINIS. M. DC. LXXVI.

Excudebat Michael Hercules? Superiorum permisso.

A R C V S

L. SETTIMI SEPTIMI AVG

ANAGLYPTA

CVM EXPLICATIONE

IOSEPHI MARIAE

S V A R E S I I

Episcopi olim Vindobensis.



ROMAE, TYPIS BARBERINIS. MDCCLXXII.

Prostat in Bibliotheca. Librorum.

EMINEN.^{MO} ET REV.^{MO} PRINCIPI
PHILIPPO THOMAE
NORFOLCIO
S. R. E. CARDINALI

IOSEPHVS MARIA SVARESIVS EPISCOPVS
Quondam Vafonen. D. D. C.



RIVMPHANTIBVS Arcus erigi solebant, Eminentia igitur Vestra in Urbem feliciter aduenienti è xiv. Arcubus, qui Romæ numerabantur, selectum istum à L. Septimio Seuero Aug. constructum, & abs Eminentissimo S. R. E. Cardinalium Decano, & Sanctæ Sedis Apostolicæ Vicecancellario Francisco Barberino aduersus iniurias temporis recens vindicatum ex interitu statuo, & expando Notulis illustratum, Imperator ille, qui probauit virtute, locum non obstare, cum ingenium valet, vti cecinit Ausonius, in Britanniam secesserat, cumquæ vallo prætento, quæ Romani sibi subdiderant, tueri conaretur, pertæsus filiorum discordias, ibi decessit. Eminentia Vestra, quæ tot disciplinis exculta, vitijs, & erroribus bellum indixit, totquæ præclaras consequuta victorias vni Deo spolia opima obtulit, non aspernabitur (vti supplex oro) munus istud maiorum suorum, qui militari gloria in Magni Marescalli Angliæ præfectura præcelluerunt, Trophæis inferendum. Auitus certè affectus non solum erga prisca volumina manu exarata, sed etiam in marmora litterata, in Eminentia Vestra reuiuiscens, persuasit mihi quod eadem nec obsequij mei dedignabitur hoc perenne monumentum, & secundum mea vota faustè viuet, ac in dies efflorescet.


PHILIPPO THOMAE
NORTOLCIO
S. R. E. CARDINALI
IOSEPHUS MARIA THEOPHILUS EPISCOPUS
Ravennatis Archiepiscopus

Imprimatur si videbitur Reuerendiss. P. Mag. Sac. Pal. Apost.

I. de Ang. Archiepisc. Urb. Vicefg.

Imprimatur.


Fr. Raymundus Capisuccus Ord. Præd. Sac. Pal. Apost. Mag.





IMP·CAES·LVCIO·SEPTIMIO·M·FIL·SEVERO·PIO·PERTINACI·AVG·PAT·RE·PATRIAE·PARTHICO·ARABICO·ET
 PARTHICO·ADIABENICO·PONTIFIC·MAXIMO·TRIBVNIC·POTEST·XI·IMP·XI·COS·III·PROCOS·ET
 IMP·CAES·M·AVRELIO·L·FIL·ANTONINO·AVG·PIO·FELICI·TRIBVNIC·POTEST·VI·COS·PROCOS·P·P·
 OPTIMIS·FORTISSIMISQUE·PRINCIPIBUS·

OBREM PVBLICAM RESTITVTAM IMPERIVMQVE POPVLI ROMANI PROPAGATVM
 INSIGNIBVS VIRTVTIBVS EORVM DOMI FORISQUE S P Q R




























APPARATVS HISTORICVS AD EXPLICATIONEM ARCVS L. SEPTIMII SEVERI AVG.



TER. reflectentibus è Septizonio L. Septimij Seueri Aug. & ad radices Capito-
lini Cliui pergentibus per Forum Romanum, occurrit Arcus eiusdem Seueri
Triumphalis, cuius in Descriptionibus Urbis tam à Sexto Ruffo, quam à Publio
Victore conscriptis, quæ purè à Panuiniò in Commentarijs Reipublicæ Romanæ
seorsim editæ sunt, nulla est mentio; verùm in illa tantùm, quam interpolauit ex
vtraque Panuinius, vnà cum Titi, & Constantini Arcubus, p. 170. Arcus L. Se-
ptimij Seueri Aug. legitur in Regione quarta collocatus. Ruffus autem Consula-
ris, & Victor Prouinciæ Pannoniæ Reçtor, Valentiniano & Valente A. A. floruerunt. Descriptio
itidem, quæ Ruffo adscribitur lacera est, Verùm Marlianus in Urbis Topographia refert Arcus illius
Inscriptionem lib. 3. p. 60. c. 16. vti Nardinus, qui eum in Regione octaua reponit p. 240. Antiq. Ro-
mæ. Adnotat Marlianus Arcum illum habere à latere marmoreos gradus, per quos multoties eua-
serit ipse ad fastigium, additque Seuerum respuisse Triumphum, ne de Ciuili victoria videretur Trium-
phare, iuxta illud Lucani, *Bella geri placuit nullos habitura Triumphos*; & quia morbo articulari Se-
uerus impeditus haud facile in curru poterat consistere. præmiserat Idem Marlianus Arcum illum
omnium esse pulcherrimum, licet parùm mutilatum in vtroque frontispicio, cui sunt incisæ alatæ
Victoriæ cum Trophæis, & Terrestris, Naualisq; Victoriæ simulacris. Visitur autem hodieque, sed
adeò vetustate consumptus, temporumque iniuria & varijs casibus deformatus, vt vix agnosci possint
effigies corrosæ, atque adefæ, quò magis laborandum fuit eximio Architecto, Pictorique celeberrimo
Petro Berrettino Cortonensi, eas vt delinearet, & è dentibus æui vindicaret. At quantum de-
bent posteri Eminentiſſimo ac Reuerendiſſimo Principi S. R. E. Cardinalium Decano Sanctæ Se-
dis Apottolicæ Vicecancellario Francisco Barberino, qui pro sua inexhausta munificentia beneme-
rendo de litteris, deque vniuerso genere humano, vetustatis monumenta instaurat, & istud ferè
conclamaturn restitui curauit in integrum, & velut ex Orco reuocauit? dilaudanda insuper est
industria singularis Petri Sancti Bartoli Perusini, qui æri tanta cum arte incidit, vt pene ani-
marit.

Triumphasse tamen Seuerum de Parthis, Adiabenis & Arabibus certum est, & liquet vel è Pa-
tergis, quorum Anaglypha subtus tabulas facierum quatuor prominent, & currus onustos spolijs,
& præda exhibent, aliaque pompæ Triumphalis ornamenta, & argumenta. Tertullianus profecto
Romæ se fuisse tunc affirmat, vidisseque nobilitatem gemmarum in Triumpho Seueri de Parthis lib.
de habitu muliebr. c. 7. Herodianus lib. 3. videtur miscere vtramque Parthicam expeditionem; Duas
enim confecit Seuerus è Dione (qui æuo Seueri floruit; ideoque maior ei fides adhibenda est) apud
Xiphilinum in Seuero. prima fuit post Nigrum sublatum, altera post victum cæsùq; Albinum. Refert
sane Herodianus p. 39. fusè. Seuerianos milites Ctesiphonte capta in secunda (vti non ambigo) expe-
ditione, thesauros pecuniarum Artabani, quem magnum vocat Regem, nempe Parthorum, qui cum
paucis Equitibus aufugit, diripiuisse, omnemque supellectilem, & pretiosum Reginarum mundum.
In prima namque Vologesium alterum Regem Parthorum vicerat, & in fugam verterat. Seuerum

2
verò in Urbem reuersum à populo exceptum plausibus, faustisque acclamationibus, sacrificia pleraque Dijs oblata, festos dies celebratos, edita spectacula fuisse post has Victorias narrat idem Herodianus.

Tunc excitatum Arcum istum nullus dubito, anno scilicet Christi nati 203. siue vti Cardinalis Baronius obseruat. 205. in Annalibus Ecclesiasticis p. 284. Euincit porro geminam expeditionem Parthicam Seueri, Arcus Inscriptio, in qua bis Parthus enuntiatur Seuerus. Nardinus censet. lib. 5. p. 240. erasum ex ea nomen Septimij Getæ alterius filij à fratre Antonino Caracalla post obitum Seueri, sicut & alijs in monumentis deletum fuit, auctore Spartiano, post illa verba. **OPTIMIS FORTISSIMISQUE. PRINCIPIBUS**, quia marmor est ibi depressius, & foramina, quibus æs erat inditum, vestigia characterum aliorum indicant oblitterata. Vir versatissimus in Antiquitate, alijsque scientijs Hadrianus Auzou è foraminibus collegit hæc fuisse verba **ET P. SEPTIMIO. GETÆ. NOBILISSIMO. CÆSARI. OPT. &c.** sed Petrus Sanctus vice, P. Septimij. Getæ. &c. subditum. **OPTIMIS &c.** asserit, qui propius animaduertit; quin & ex alia Inscriptioe Seueri, quam posuere ipsi Foro in Boario Argentarij, Nardinusque inserit p. 270. ad S. Georgij ædem in Velabro, Panuinius p. 213. & Marlianus p. 78. Getæ nomen exemptum contendit, & Imaginem sublatam Nardinus, qui addit Gregorio XV. sedente, cogitatum de humo effodienda, quæ circa ipsum Arcum excreuit, & de circumuallando illo, erecta parietina, instar illius, qua Cochlis Traiani cingitur.

Ruinis quippè aggestis accreuit tellus, Arcus etiam Titi haud procul ea erat obrutus, donec Sixti IV. Pont. Max. iussu, his scilicet ruinis amoris, altior apparuit, diuque ignotam candelabri septemplex Iudæorum figuram in eo celatam visendam exhibuit, quemadmodum narrat Lilius Aegidius Tiphernas in præfatione libri tertij Philonis, cuius Opera ipse donauit Latinitate, Sixtoque Tomos ex his sex, in quos ea diuiserat, obtulit. Extant hi calamo exarati adhuc in Bibliotheca Vaticana. Hoc verò Candelabrum, de quo c. 8. v. 4. Numeror. præsertim, quod ex auro erat ductili, & describitur imprimis c. 25. v. 31. Exodi, Titus Aug. inuehens in Urbem, ducentque in Triumphum, ac deinceps insculpi tam exactè curans, Prophetasse instar Balaam, & Caiphæ dicitur ab Aegidio futura in Urbe splendidissima lumina, septem Sacramentorum ex instituto Christi, totum per Orbem terrarum ad salutem mortalium propaganda.

Inscriptionem Arcus Seueriani constare à fronte atque à tergo bipedalibus litteris in marmore primū incisis, & excauatis, ac dein ære Corinthiaco repletis, quod à Barbaris Urbem deuastantibus post cruentū atque ablatum fuit, vt in alijs quibusdam maiorū ædificiorum titulis scimus ex apparentibus etiamnum hiatis, satis patet, idque Cardinalis Baronius adnotauit p. 265. (Ego post etiam fusiùs in Diatriba de foraminibus lapidum in antiquorum ædificijs quondam agebam.) Adiungit ille verba ista in Seueriano Arcu.

OPTIMIS. FORTISSIMISQUE. PRINCIPIBUS.

claudi lineis circumductis, vt in Arcu alio Fori Boarij clauduntur ista

PARTHICI. MAXIMI. BRITANNICI. MAXIMI.

augetur inde suspicio de nomine Getæ dempto, cui supposita hæc fuerint. In arcu Fori Romano Seueriano, Potestas Tribunitia Seueri XI. anno ponitur suscepta, sed sexto anno Antonini, nec id Cardinalem Baronium latuit, causamque arbitrat, quod eodem anno vnus potestatis exordium, alterius terminum esse contigerit, vti quando Seueri XI. Antonini V. positus inuenitur, vel illius IX. istius IV. In Arcu ad Forum Boarium Tribunitiæ Potestatis Seueri VII. tantum computatur annus; at in Inscriptioe Panthei, quod, cum fulmine conflagraisset A. C. N. 203. siue 205. ex Cardinale Baronio, Seuerus, & Antoninus restituerunt, tanquam vetustate (sic legitur) consumptum; vt euicaretur superstitiosa Religio, quæ ne Plebis animos incesceret, impulit & Constantinum Magnum, vt Legem daret, quam refert Cardinalis Baronius, & inserta est Codici Theodosiano tit. de Paganis prima, ubi iure ab Apostasia defendit Scholias hunc Imperatorem, qui Princeps Christiana fide Romanum muniuit Imperium. In Inscriptioe (inquam) Panthei Tribunitiæ Potestatis Seueri annus XI. legitur, & Antonini V.

Præter istas Inscriptiones, plurimæ supersunt Seueri, Romæ in Porticu Templi quondam Iunonis in Foro Piscario, nunc Sancti Angeli, vt apud Gruterum visitur p. 172. Inscr. vet. num. 5. & alibi p. 157. 158. 169. 191. & 271. In Arcu quidem isto, vt è Marliano præfatus sum, Victoriæ sunt alatae, cum terrestres, & naualis expeditionis simulacris vtriusque, Naualia illa signa designant nauium Seuerianarum apparatus, quibus deuecti sunt eius milites, dum Euphratem, Tigridemque ac Adiabenes Fluuios traiecerunt, tam celeriter Ctesiphontem appellentes, vt incogitantem Artabanum penè oppres-

3
 ptesseint, Herodiano teste. Si quam Seuerus ipse conscripsit, Vita priuata, sua, publicaue superites foret, vt affirmat Spartianus, eam Ego libenter præmitterem explicationi huius Arcus, sed cum illa interciderit, eiusdem vitæ synopsis Chronicam circa ea, quæ spectant ad istum Arcum excerptam varijs è Scriptoribus, è Caluissij Sethi Opere Chronologico potissimum, duxi proponendam. Si antea monuero, venientibus per Romanum Forum ab Arcu Titi ad istum, à fronte ad dexteram Arcus, esse Tabulam primam, tum ad læuam porrigi Tabulam secundam, ascendentibus à tergo ad Capitolium, si obtutum illi obuersi figant in posticam faciem, ad dexteram intuenrium ipsum Arcum, esse tabulam tertiam, si ad læuam eorundem spectantium, protendi tabulam denique quartam, & subtus eas tabulas esse Parerga, supra ipsius Arcus Apsidem hinc inde Victorias alas gestantes trophæa, siue ingentes stipites, desuper onustos hostilibus exuijs & armis, & sub illos, Genios quatuor videbit spectator, duos vtriusque gestantes Thus & fruges atque flores, & aues Prouinciarum subactarum, tam à fronte, quàm à tergo Arcus; sunt & alij duo minores Arcus; & hos inter fluuiorum effigies, quatuor hinc inde gestant arundines, & calamos, quorum duo imberbes, duo sunt senes, & barbari, sicut Genij, erubus & pedibus nudis vnus, alter cum ocreis seu peronibus. Prominent vtriusque lapides tres, quibus coagmentatur in medio fornix Arcus, ipsisque simulacra Martis, & hastatorum stabant superposita; in Arcubus etiam minoribus, intra verò Arcum vnumquemque rosæ sculptæ sunt in fornici Aspidem, hinc inde quatuor columnæ sunt erectæ striatæ cum Capitulis opere Corinthio, circum Arcum, vniuersim octo, quibus Arcus fulcitur, quatuor versus Forum Romanum, & totidem è regione Capitolij.

Adiunxisse dimensiones, & Ichnographiam huius arcus Septimiani, sed Sebastianus Serlius lib. 3. de Architectura tam graphice retulit ambas, nihil vt desiderari possit; ad eum igitur Lectorem remitto, ne actum agam: putat ille aliorum ex ædificiorum manubijs eundem prodijisse, nec non & totum opus egregijs sculpturis insuper honestatum, eiusque frontem & latera, & terga magnificè admodum instructa, elaborataque fuisse, conspici asserit, & iacere lacerum, p. 182. 183. 184. & 185. Edit. Venet. 1663. fol. exstat p. 180. & 181. Arcus in Foro Boario positi tam Septimio quam eius filio Antonino delineatio egregia, quæ ad huius Arcus in Foro Romano siti explicationem etiam facit.

Anno conditi Orbis 4142. Christi nati 193. Didio Iuliano Aug. Romæ cunctis exoso, quia Per tinacem Imperatorem occidi curauerat, & Imperium, quod parari debet virtute, pretio emerat. Pescennius Niger oriundus Aquino à Syriacis exercitibus illud sibi delatum suscepit in Oriente; at Clodius Albinus Afer (Adrumetinus nempe) Cæsar à Gallicanis militibus nuncupatus, & ab ipso L. Septimio Seuero, qui Afer quoque, Lepti scilicet natus, à Germanicis legionibus acclamatus fuerat Augustus Carnunti die 15. Maij. Seuerus igitur Romam confestim Principatus ad arcem contendit Illyricanis, & Gallicanis exercitibus sibi conciliatis Prætorianos in Vrbe domuit, Iulianoque post lxvj. dierum Imperium trucidato, suum ibi firmavit.

Anno 4143. C. N. 194. Aduersus Aemilianum, Nigrumque mox Seuerus profectus, primum vicit in Helleponto, alterum fusis eius Ducibus ad Cyzicum, & ad Nicomediam, mox Antiochiæ preceptum sustulit, ipse ter Imperator appellatus Byzantium, quod Nigri præsidio tenebatur, partesque acriter tuebatur, obsedit.

Anno 4144. C. N. 195. perstat in obsidione Byzantina Seuerus, quæ Vrbs Prisci Nicæni Archi tecti tum ingenio tum machinis artificiosè adiuuentis propugnatur in tertium vsq; annum, quo tan dem capitur, Priscusque ad Seuerum deficit. Hac occasione Seuerus bellum persequitur in Oriente, aduersus Parthos, qui Nisibin obsederant à Læto propugnatam, alloquutus milites illam liberat, obsi dionem soluit, & caduntur à Romanis Parthi; quique illis præerat Rex Vologesus, cum Fratrem haberet apud Seuerum, e quo vectus fugam cepisset. Carrhæ desertum Oppidum penetrant Roma ni, Seuerus inde contra Adiabenos, siue Osrhoenos dirigit aciem. Et ista sculpta visuntur in pri ma Tabula Septimiani Arcus notata. A. & numeris discreta.

Anno 4145. C. N. 196. Seuerus adhuc in Oriente degit, & propter insignes Victorias Parthici cognomen obtinet, ac Adiabeniçi; filiumque suum Antoninum Caracallam à Cascalla veste, quàm gestare gaudebat, denominatum kal. Iunij Cæsaris titulo cohonestat. Rex Armeniæ, cum Seuerus eius Regno immineret, obuius donis eius amicitiam captat, dat illi dexteram Seuerus, qui Tribunat erigit, & Castra metatur, Tribuni eius adhortantur milites. Abagarus Rex Osrhoenorum, suo Adiabenorum ad Seuerum confugit; & obtulit Sagittarios. & copias sociales, quas Seuerus accepit, eum Christianum existimat genitum ex illius progenie, quem Edesse Regem Thaddæus Apostolus ad Christi fidem perduxit. Cardinalis Baronius ad ann. C. N. 202. p. 277. Seuerus Atrenos obsessos

in Oppido, quod & situ munitissimum erat, adoritur primum ariete admoto, hanc in secunda Tabula spectare licet notata. B. & numericè distincta.

Ann. 4146. C. N. 197. Byzantio potius Seuerus à Clodio Albino dissidet, qui dignitatem Augusti ambiebat, migrat ergo in Gallias, properatq; contra Clodium Albinum, & cum eo praelium commisit propè Lugdunum.

Anno 4147. C. N. 198. primo die Dux Seueri vincitur, altero, cum ipse in dextero cornu vincret, & insequeretur fugientes hostes, exercitus eius in foueas delabatur, & fortuna belli-fuisset conuersa ferè, nisi manu sua milites reduxisset; & occidisset fugientes; tandem magna cum strage, atque clade victoriam retulit, die 19. Februarij, Albino etiam interfecto. mox redijt Romam Seuerus, & Orationem habuit ad Senatum, cui & metum incussit, confortemque Imperij, & Augustum Antoninum Filium renuntiavit, concessa Tribunitia potestate, cum ipse sextam inchoaret: juniori filio Septimio Getæ Cæsaris titulum tribuit.

Anno 4148. C. N. 199. Reuertitur in Orientem, Nisibin redit.

Anno 4149. C. N. 200. Parthos denuo inuadit; deseruere illi Babylona, quæ Romanis patuit, Seuerus colloquitur cum Tribunis, Laterano, Candido, & Lato. è suggestu milites alloquitur, & dimittit ad excursions in Arabiam, vt incenderent Regiones, Oppidaque caperent; quod & fecerunt; tunc Exercitum in tres partes diuisit, vni Latum, alteri Anulinum, tertiæ Probum Generum præfecit. Atrenos rursus maiori ariete impacto è Prisci machinatione oppugnat; illi manus obtendunt supplices, cum tamen validè seipsos tutati sint; certè Ammianus p. 301. lib. 23. hæc habet: Atræ verus Oppidum in media solitudine positum, olimque desertum, quod eruendum adorti temporibus varijs Traianus & Seuerus Principes bellicosi, cum exercitibus pæne deleti sunt; & Dio apud Xiphilinum, bis obsessum Atræ Oppidum à Seuero, neque captum asserit, Catarrhacta perspicitur parata (vt opinor) ad aquarum impetum effundendum, qua mergerentur & obruerentur, obsidentes. In tertia Tabula ista intueri datur, cui est appicta C. littera, numerice sunt appositi.

Anno 4150. C. N. 201. tranat Euphratem nauibus constructis Seuerus, Ctesiphon sese dedit: Regia ibi gaza fuit direpta: Tigris traicitur; Seleucia Parthica expugnatur: Artabanus Magnus Rex Parthorum cum Equitatu aufugit: Arabum Interiorum Phylarchæ duo genibus positus veniam orant: Regio Scenitarum Arabum redigitur in Prouinciam Imperij Romani, vnde Seuerus vocatur iterum Parthicus, & Arabicus; Castella extant, seu receptacula inundantium Euphratis & Tigridis, cuiusmodi Cauernæ à Q. Curtio describuntur l. 5. p. 157. vbi agit de Babylone hic auctor, quæ in Tabula quarta exprimentur littera D. & insunt sui numeri.

Anno 4151. C. N. 202. cum Seuerus Parthico secundo bello confecto Mesopotamiam redijisset, in Ægyptum abiit Antiochiam pertransiens.

Anno 4152. C. N. 203. Romam redux cum filijs Ludos Decennales celebrat; post ductum Triumphum Parthicum, edit spectacula, sacrificiaque, Pantheum instaurat, Ludos Sæculares agit, vtque in aureo numo lætitatur, quem asseruat Illustrissimus & Reuerendissimus D. Iulius Riccius Canonicus Basilicæ S. Petri, mihi que perhumaniter ostendit. Hinc L. SEPT. SEV. AVG. IMP. XI. PART. MAX. inde VOTIS DECENNALIBVS, cum corona Ciuica seu Querna.

Anno 4153. C. N. 204. circa Initium Iunij die Natali Seueri, cum auspicaretur ipse Tribunitiam Potestatem xij. & Arcum Triumphalem absolutum, aut potius anno superiori arbitror (non ad annum 4134. C. N. 205. vt è Cardinale Baronio referebam) nec enim possunt adeò computari minutè ac anxie tempora, imò præposterè, atque peruersè Historici, nempe Xiphilinus Dionis Epitomastes, & alij, scilicet, Eutropius, Cuspinianus, Cardinalis Baronius, dum contrahunt res gestas, omnia permiscuerunt; ~~vsq; ad finem~~ congeffit simul accumulans Herodianus, perstrinxitque Spartianus; & præcipuè dum bella externa tradunt, quæ ad Principis gloriam, & victorias faciunt, comminiscuntur adulantes, clades acceptas supprimendo, atque celando, falsa verò sæpius laus iuuabat ad famam, & continendos populos, Senatoresque in fide, fugam Vologesi, Nisibis liberationem in secunda expeditione locat Dio. Verùm lapideis hisce Tabulis magis credendum censeo, certiorumque probationem ex his erui, nisi quod clades acceptæ in vtraque obsidione, Atrenorum videntur gestu supplicum dexterarum obuolari; quamuis eas in actibus Seueri digessisse testetur se Ammianus; sed libri ab eo conscripti stylo militari Historiarum, a Nerua vsque ad Constantij æuam, desiderantur.

Non satisfuit Eminentissimo Sanctæ Romanæ Ecclesiæ Cardinali Barberino Sanctæ Sedis Apostolicæ Vicecancellario Septimiani Arcus Tabulas quatuor ab interitu vendicatas renouare, ac publica-

re, voluit etiam Parerga, & Arcum ipsum integrum cum Tethrippis adijcere. Sub vnaquaque superficie, siue sub singulis Tabulis erant singula Parerga, quæ Triumphis pompam exhibebant, & quia quatuor expeditiones Seueras susceperat, duas in Parthos, alteram in Adiabenos siue Osirhoenos, quartam aduersus Arabas; quatuor sunt Parerga Triumphis, quæ temporis iniuria deformabantur, & quasi æui dentibus erodebantur exposita inclementiæ aeris, imbriumque, ac Ventorum, & Solis, sed ea quoque perire noluit Princeps natus bono publico; scripsit Onuphrius Panuinius Romanorum vindex monumentorum Librum seu Commentarium de Triumphis, qui post eius Libros duos de Ludis Circensibus editus fuit à Ianne Ciotto Venetijs in folio cum notis Ioannis Argoli anno Salutis MDC. Orosius quidem 320. Triumphos numerat à Romulo ad Vespasianum vsque, at illis Panuinius addit 30. vsque ad Belisarium p. 12. peractos, refert autem Triumphalis pompæ, atque currus effigiem vnicam, quam contexit à varijs descriptionibus antiquorum Historicorum, delineauit & eruditus Ptolomæus in Vetuslibus pag. 116. ex Arcu Titi. in Supplemento admirandorum Iusti Lipsij, siue de magnitudine Romana pag. 504. fusè de nomine, ac origine Triumphis, quibus illi concessi, & à quibus, de ordine, & ornatu, atque Triumphatoris loco, & Arcubus, sicut apud Rosinum lib. 10. Antiquitatum Roman. c. 29. vbi & de Arcubus Triumphalibus p. 1006. Inscriptio Arcus Septimij pag. 1007. è Fabricio in sua Roma c. 15. adde Paralipomena Thomæ Dempsteri ad Rosin. pag. 1034. è Bulengero lib. de Triumpho, Consulium Dictatorum & Censorum Romanorum series vna cum ipsorum Triumphis, quæ marmoribus scalpæ in foro reperta est, atque in Capitolium translata Anno 1549. Romæ fuit edita typis Marliano Patricio Mediolanensi curante, quam Onuphrius illustrauit Commentarijs qui lucem aspexerunt Venetijs 1558. in fol. Volfangus Lazius lib. p. c. 3. Commentar. Reipublicæ Romanæ fusè de Triumphalibus ornamentis, & pompis, deque Arcu, cui statua equestris imposita cum duobus vtrinque trophæis è numo Neronis Claudij Drusi German. Imp. exhibetque Iconem pag. 774. vt alium, cui S. P. Q. R. signis recept. Rosin. pag. 1007. qui super Arcum habet equites duos, ex Antiq. Gamuccijs, notatque in superiore Arcus parte fuisse spatia, in quibus aliquot homines, qui tuba canerent, vel trophæa statuerent stetisse existimantur, sed mox de istis agam. Parergum dicitur, quod alicui rei præterpropositum additur, vt si pictor imaginem pingens ornandæ tabellæ gratia, arbuscula, auculas, & huiusmodi adiunxerit è Plinio lib. 35. c. 10. qui narrat Protogenem, cum Athenis celeberrimo loco Mineræ delubro Propyleum pingeret; ibi fecisse nobilem Paralum, & Hermionida, quam quidam Nausicaam vocant, adiecisseque paruulas naues longas in ijs, quæ Pictores appellant Parerga, vertice eloquentissimus Dathus *nelle Vite de Pittori antichi pag. 154. tra quelle cose che da Professori sono dette Giunte*, Budæus esse vult Corollaria operis locati, accessiones, appendices, *Bordures* Gallis, Græci dicunt & *ἡ ἐξωθεν πλεόνα*, vt mantillæ, suprapondiaque in mensuris, & in venditionibus auctaria, quæ igitur insculpta sunt sub tabulis referentia Triumphorum ordinem Parerga inscripti, quamuis ad rem faciant, & pertineant ad Triumphos nempe inque illis Iconismi Triumphorum perfectiores spectantur quam alibi.

At in plano superiori, cum opportunè S. R. E. Cardinalis Eminentissimus Camillus Maximus Romanus Antiquorum patriæ suæ monumentorum acerrimus indagator, & restitutor munificus, vt è fragmentis Vestigiorum eiusdem Urbis, quæ Farnesianis è lapidibus Andræ Bufalini diligentia cum Notis Io: Petri Bellorij Viri de re Antiquaria optimè dudum meriti, quæque illi Eminentie iure nuncupata fuerunt, liquidò compertum est, mihi liberaliter communicasset è ditissimis suis Thecis atque Thesauris Numum promptum, in quo legitur hinc Antoninus Pius Aug. Pont. Tr. p. vij. & Caracallæ *αὐτοῦ* effigies siue Thoracis, vt olim vocabatur, Scholiastes in l. 1. de Imaginib. Imperial. Cod. Theod. l. 15. tit. 4. aut Stetharium, agnoscitur; inde Arcus ipse Seueri exprimitur, & supra Ipse cum Patre, vel cum fratre currui, quem sex equi trahuunt insidens vtrinque verò duo equites sequentibus duobus militibus peditibus inspiciuntur, circum verò insculptum est. Arcus Augg. cui persimilem asseruat in gazophylacijs suis Sueciæ Regina sæculi nostri decus verè incomparabile Christina, non Zenobiæ solum ac Eudoxiæ anteposenda propter insignem doctrinam, sed etiam Placidie atque Pulcheriæ adæquanda ob pietatem, & prudentiam singularem. dignata est tanta maiestas illius Numi mihi quoque Iconem ostentare opera D. Cameli qui Rei nummarie & instructissimæ Bibliothecæ meritò Præfectus est. In ambobus hisce Numis in plano cum eminent illæ statuae, quæ præ vetustate, vel alio casu interciderunt, incidi quoque illas Eminentissimus Mæcenas Barberinus mandauit, & Bartolus egregiam eo in opere illo nauauit operam vt Arcus integer suisque omnibus numeris absolutus existeret.

Τεθρίπων apud Suidam *ἐκ τεσσάρων ἵππων ἄρμα*. i. Tethripum, currus è quatuor equis, cuiusmo-
di

di erat currus solis apud Ouid. lib. 2. p. 17. Metamorphos. $\pi\sigma\sigma\pi\omega\theta\alpha\lambda\alpha$ quadriga Aristophan. in Nubib. Athenæo quatuor equi vno iugo copulati $\pi\sigma\sigma\pi\omega\theta\alpha\lambda\alpha$ equus quadriiugis, inde $\pi\sigma\sigma\pi\omega\theta\alpha\lambda\alpha$, qui quadrigam ascendit, $\pi\sigma\sigma\pi\omega\theta\alpha\lambda\alpha$, qui quatuor equos nutrit. Cicero lib. 5. Epist. 21. ad Attic. $\pi\sigma\sigma\pi\omega\theta\alpha\lambda\alpha$ prohibeo, l. quadrigas, quas ob res bene gestas Græci Ducibus decernebant, vt Imperat. quadrigas aureas; sic in Capitolio positæ ab Ædilibus Curulibus C. Liuio, & Seruilio Geminio Coss. T. Liu. lib. 9. Decad. 3. pag. 370. Edit. Gryph. Sed & sunt equorum sex feiuges currus & $\pi\sigma\sigma\pi\omega\theta\alpha\lambda\alpha$, Apuleius in Florid. de Quadrigis Triumphalibus Figrelus, seu de statuis curulibus, bigis &c. lib. 1. de Statuis. c. 18. pag. 161. de Seiugibus è Plinio lib. 24. cap. 5. pag. 163. vbi, de, $\pi\sigma\sigma\pi\omega\theta\alpha\lambda\alpha$, vtque equi essent æquata fronte, & vnanimis è Claudiano. de Quadriga marmorea e Suida, & Hesychio, in Numo Cæsaris pag. 131. Familiar. Roman. extat Arcus, cui inscriptum Imp. Cæsar, & quatuor equites illi insunt.

An verò fuerint Statuæ illæ equestres, seu simulacra ex ære, seu metallo fusæ, & conflata, an ducta è marmore? poterit conijci ex adplumbaturis, & foraminibus, certè curiosioribus Architectis, & Antiquarijs disquirendum illud relinquo.

Quandoquidem sub his Parergis Apis Arcus fuerat delineata cum Victorijs trophæa ferentibus, & Genijs, vacuumque spatium vtrunque pandebatur, sicut Antonini Caracallæ Numum indideram frontispicio, ita vtrunque Numum L. Septimij Seueri, cum Victoria & trophæis in aversa parte apposui; ex Angelonio in Numism. Imperat. pag. 242: num. 18. & sub- tus, numisma Iuliæ Domnæ Augustæ, coniugisque illius cum Pietate Augusta ex eodem pag. 243. num. 21. ad leuam autem Numum Plautillæ Augustæ Vxoris Antonini Caracallæ, cum Dea Fortuna, & C. L. I. C. O. R. ex eodem pag. 258. num. 30. vbi explicat hæc Sigla Colonia Latina Iulia Corinthus, sub ea collocaui P. Septimium Getam Cæsarem ex Numo penes Angelonum insuper pag. 265. num. 9. & 11. in postica facie Roma sculptræ est cum Cornucopia.

Nec tamen sine numine Diuûm Superstes est Arcus hîc Seueri, nam & ille Romam singulari præditus ingenio rexit prudentissimè imitator Marci, vt obseruat Herodianus pag. 512. G. L. sublati æmulis suis Nigro, atque Albino, quin & Æmiliano, deuictisque bis Parthis, & Arabibus, ac Adiabenis, verum & Urbis Romæ tabulis lapideis incidi vestigium, seu Topographiam curant, siue Ichnographiam, vt probat in fragmentorum Editione Bellorius, vnde restitutor Urbis, & fondator Imperij fuit cognominatus, & certè Romæ publicas omnes ædes, quæ vitio temporum labebantur, instaurauit, De Septizonio, quod opere ambitioso extrui curauit, iustum volumen consarcinaui, deque Thermis, & alijs ædificijs publicis, quæ condidit ipse, quæque penitus intercederunt, alibi pluribus disseretur. Nunc ad Arcum istum me conuerto, qui ædificatus intra decimum eius Imperij annum, vt iam affirmaui, neque verò decem illis annis primis Seuerus in persecutionem Christianorum incubuit, vtque Cardinalis Baronius adnotauit in Annal. Ecclesiast. ad Annum 195. e Tertulliano ad Scapulam cap. 4. benè Christianos habuit, atque etiam eorum nonnullos illorum auctorum testimonio exornauit, & aduersus furentem populum defendit; nimirum quod à Christiano quodam nomine Proculo cognomine Toparcion Procuratore Euhodi, qui fuit Antonini filij Seueri educator, per oleum aliquando curatus esset, quem etiam in Palatio suo habuit vsque ad mortem eius, & ipse quoque Antoninus Seueri filius lacte Christiano fuit educatus, colloforemque habuit Puerum Iudæum, idest, Christianum, vt asserit Spartianus in Caracalla, tuncque res Christianorum valdè floruerunt ex Nicephoro lib. 5. cap. 16. Tertullianus fusè Apolog. cap. 16. adu. Iudæos cap. 7. & 9. mox verò Cardinalis idem Baronius de persecutione Seueri aduersus Christianos anno Imperij decimo indicta Christi 204. agit, in qua Victor Papa Primus, licet eiusdem Seueri popularis & Afer Martyrium passus est pro Christo, sextam numerat istam Seuer. Sulpitius lib. 2. Sac. pag. 150. & vexationem vocat, at Paulus Orosius lib. 7. cap. 17. Histor. post Neronem quintam exindè Seueri res in peius prolapsæ sunt, & implicitus Bello Britannico, cum Vallum illud memorabile curasset effodi, Antonini Caracallæ proteruiam aduersum se domesticasque rixas eiusdem cum Geta fratre altero filio non ferens in morbum incidit, attritus iam podagra, & Eboraci obiit, vbi sepultus fuit, vicisciente Deo fusum sanguinem suorum cultorum, qui clamabat ad Cælum, Huius Arcus curam gerebant Romani, nam Sede vacante Camerarius Sanctæ Romanæ Ecclesiæ Cardinalis Quinque Custodes Arcus Septimij solet eligere, quibus vlnas, seu cannas quatuor panni tribuunt pro emolumento primæ Sortis, & Numi vintiquinque cum dimidio, vt testatur Ioannes Iacobus Romaldus fol. min. edito Rationario Capitolino Romæ Anno 1604. an vt tuerentur inde Capitolinam arcem, an vt monimentum illud

illud conseruarent? Certè Cardinalis Francisci Barberini benignitas incomparabilis illud restituit nunquam interitum.

Elucet in huius Augusti rebus gestis Diuina Prouidentia, & æquitas. Siquidem Seuerus Imperator, cui hæcenus omnia ex sententia euenissent (nam dum pacem Ecclesiæ tribuit, Parthos bis, Adiabenos, & Arabas domuit, atque prostrigauit; æmulos Imperij Nigrum, & Albinum prostrauit, solusque Romana potitus est ditio, interfectis omnibus perduellibus, filios ambos in confortium Imperij adsciuit, itaut nullus æquè feliciter dominatus fuerit; At simul ac Christianos, quos antea fouerat, & in aulam admiserat suam, persecutus est ingratus ac beneficiorum, quæ illorum precibus adeptus erat, oblitus, in ipsos sæuijt, non podagræ solum acutissimis doloribus acerbam Dei promeritis indignationem fuit affectus, & oborto ex insperato bello filiorum domestico, Caracallæque insidijs appetitus contabuit, sed & in Britannia infelicem animam morbis afflictatus, ac moerore confectus exhalauit, & instar Antiochi periijt tristitia magna in terra aliena lib. 2. Machabeor. c. 5. v. 13.

Tabula †

Orthographia Totius Arcus L. Septimij Seueri Aug. cum carpento seu Curru Triumphali scutum, præuij sunt Equites & pedites milites Triumphantes.

Tabula A. Hæc imago primam superficiem Tabulæ sculptæ continet, cùm

L. Septimius Seuerus Aug. Nigro æmulo Imperij sublato bellum Parthis primum intulit.

1. Exercitum alloquitur è suggestu.
 2. Nisibin Mesopotamiæ Urbem à Vologeso Rege Parthorum obsessam liberat.
 3. Parthi cæduntur à Romanis militibus.
 4. Vologesus Rex Parthorum equo vectus fugam capeffit.
 5. Charra, seu Tharra Oppidum penetrant Romani.
-

Tabula B. circa superficiem alteram, cùm

1. Rex Armeniæ, dum Seuerus eius Regno immineret, obuius donis ipsius amicitiam captat, dat illi dexteram Seuerus.
 2. Seuerus ipse Tribunal erigit, & custra metatur.
 3. Tribuni milites adhortantur.
 4. Abgarus Rex Osrochorum, siue Adiabenorum ad Seuerum confugit, & obtulit Sagittarios, & fociales copias.
 5. Atrenos obsessos in Oppido, quod & situ erat munitissimum, adoritur primum ariete admoto.
-

Tabula C. tertia superficies hic exhibetur, quando

1. Deuicto Albino, cæsoque, Seuerus Parthos iterum aggreditur, Babylon derelicta ipsi cedit.
2. Ipse cum Tribunis colloquutus è suggestu milites alloquitur, & dimittit ad excursions in Arabiam.
3. Atrenos rursus maiori ariete impacto è Prisci machinatione oppugnat, illi manus obtendunt supplices.
4. Catarrhacta pro impetu aquarum effundendo, cuiusmodi barathrum amplissima longitudine, & amplitudine Massilitani, cum Massilia oppugnaretur, vti Piscinam fecerunt contra eum locum, quo specus agebantur, eamque è puteis, & è portu impleuerunt &c. quæ fufius narrat Vitruuius lib. 10. de Architect. c. vlt. & innuit Cæsar in Commentar. de bell. Ciuil. lib. 2. p. 364. de Musculo contexto centonibus & lateribus corijsque inductis, ne canalibus aqua immissa lateres diluere posset.

Tabu-

Tabula D. istic superficies quarta cernitur, in ea

1. Euphrates tranatur.
2. Ctesiphon se dedit Septimio Seuero, vbi Gaza Regia direpta est.
3. Tigris traicitur.
4. Seleucia Parthica expugnatur.
5. Artabanus Rex Parthorum Magnus cum equitatu aufugit.
6. Arabum interiorum Phylarchæ duo genibus positos veniam orant, Regio Scenitarum Arabum redigitur in Prouinciam Imperij Romani.
7. Castella seu receptacula inundantium Euphratis, & Tigridis, cuiusmodi describuntur cauernæ à Q. Curtio lib. 5. p. 157. vbi agit de Babylone.

Hæc è Dione in Epitome Xiphilini, Spartiano in Seuero, Herodiano, Eutropio &c.

Tabula E.

In quatuor superficierum Parergis.

Videntur pompæ Triumphales, sub Tabulis sculptæ.

In prima milites prodeunt, qui boues nimirum

1. Agunt trahentes tria Cisia onusta spolijs, quæ obuoluta sunt. & compacta in sarcinas, reticulatim aliqua; sed, & Prouincia cum Cidari, ducuntur captiui (& hos inter scæmina, vel suffulciens mentem columnatim erecta manu, seu lacrymas detergens) victis manibus Romanique genibus positos adorant, ac supplices tendunt dexteræ. Rotæ in Cisis radiatæ quædam, aliæ solidæ.
2. In secunda eadem figuræ.
3. In tertia similes.
4. In quarta pariter, hinc inde locantur.
5. In vacuo circum Absidem Arcus medij loco; Seueri Aug. nummus cum Victoria, & trophæo.
6. Iuliz Domnæ Aug. Piet. Aug.
7. Antonini Caracallæ cum effigie Arcus.
8. Plautillæ Aug. primæ eius Vxor, Glor. iul. Corinth.
9. P. Sep. Geræ Aug. Cornucopia.
10. Victostrarum geminarum hinc inde Trophæa gestantium.
11. Geniorum fruges offerentium è deuictis Prouincijs.

CANDIDO

LECTORI.



VT res a L. Septimio Seuero Aug. præclarè gestæ magis, ac
magis innotescant, adtexere visum est Inscriptiones istas
hinc inde collectas, quæ ad illum spectant.

Tu (candide Lector) his vtere fruiere, quod in rem Tuam
benè vertat.

I.

In Arcu Seueri Aug. sub Capitolio.

IMP. CAES. LVCIO. SEPTIMIO
M. FIL. SEVERO. PIO
PERTINACI. AVG. PATRI. PATRIAE
PARTHICO. ARABICO
ET. PARTHICO. ADIABENICO
PONTIF. MAXIMO. TRIBVNIC. POTEST. XI
IMP. XI. COS. III. PROCOS
ET. IMP. CAES. M. AVRELIO. L. FIL
L. ANTONINO. AVG. PIO
FELICI. TRIBVNIC. POTEST. VI
COS. PROCOS. PP. OPTIMIS
FORTISSIMISQVE. PRINCIPIBVS
OB. REMPVBLICAM. RESTITVTAM
IMPERIVMQVE. POPVLI. ROMANI
PROPAGATVM. INSIGNIBVS
VIRTVTIBVS. EORVM
DOMI. FORISQVE
S. P. Q. R.

B

In

II.

In Porticu, seu vestibulo ædis Sancti Angeli in Piscina olim
Mercurio, ut volunt alij, Iunoni, sacrae, quam exhau-
stam igne Seuerum restituisse certum est.

IMP. CAES. L. SEPTIMIUS
SEVERVS. PIVS. PERTINAX
AVG. ARABICVS
ADIABENIC. PARTHIC. MAXIMVS
TRIB. POTESTAT. XI
IMP. XI. COS. III. PP
IMP. CÆS. M. AVRELIVS
ANTONINVS. PIVS. FELIX
AVG. PONT. MAX
TRIB POT. VI. COS. PROCOS
INCENDIO. CONSUMPTAM
RESTITVERVNT.

III.

Ad Arcum in Foro Boario propè Sancti Georgij
in Velabro.

IMP. CÆS. SEPTIMIO. SEVERO. PIO
FELICI. AVG. TRIB. POT. VII
ET. COS. II. PP. PROCOS. FORTISSIMO
FELICISSIMOQ. PRINCIPI
ET. IVLIAE. AVG. MATRI. AVG
ET. CASTRORVM. ET. SENATVS
ET. PATRIAE. ET IMP. CAES. M. AVRELI
ANTONINI. PII. FELICIS. AVG
PARTHICI. MAXIMI, BRITANNICI. MAXIMI
ARGENTARII. ET. NEGOTIANTES
BOARII. HVIVS. LOCI
DEVOTI. NVMINI. EORVM.

I V.

Romæ in Pantheo.

IMP. CAES. SEPTIMIUS. PIVS
PERTINAX. ARABICVS. ADIABENICVS
PARTHICVS. PONT. MAX. TRIB
POT. XI. COS. III. PP
ET. IMP. CAES. M. AVRELIVS
ANTONINVS. PIVS. FELIX
TRIB. POT. V. COS. PROCOS
PANTHEVM. VETVSTATE. CORRVP TVM
CVM. OMNI. CVLTV
RESTITVERVNT.

E Cardinale Baronio, Marliano, Nardino, Panuinio,
aliisque Antiquariis excerpebam, & è Gru-
tero, qui legit in secunda, INCEN-
DIO. CORRVP TAM.

Hasce ineditas depromptas ex Eminentissimi Francisci S. R. E.
Cardinalium Decani Barberini Bibliotheca adnecto, in qui-
bus viarum Seuerianæ, atque Septimiæ notitia extat.

V.

S V E S S V L A E.

HERCVLI. SANCTISS. INVICT. SACRVM
PRO. RED. IMP. CAES. L. SEPTIMI
SEVERI. PII. PERTINAC. AVG. P. S
ET. POP. SVESSVL. M. IVNIVS. M. F.
STEL. SEVERIANVS. II VIR. D. T.

V I.

ALBANI in Horto Pauli Panizzae in ruderibus Castrorum Praetory.

IMP. CÆS. L. SEPT. SEVER. PII. PERT. AVG. TART. AVG. ET. IMP. CÆS.
M. AVREL. ANT. PII. FELIC. AVG. PARTH. MAX. BRITANN
MAX. PP. ET. IVLIÆ. AVG. MATR. AVG. N. ET. SENAT
ET. PATRIÆ. ET. CASTR. MINERV. AVG. SAC. DAS/MIVS
HIRMAN. CORN. LEG. ET. AVR. VICTORIN. ACTAR. CVM. IMM. LIB
ET. EXACTIS. VOT. M. P.

VII.

A R D E A E.

IMP. CÆS. L. SEPTIMIUS. PERTINAX. PIVS. FELIX. AVG
PONT. MAX. GERM. MAX. TRIB. POTEST. IIII. IMP. V. COS. PROCOS. PP
ET. M. AVRELIVS. ANTONINVS. PIVS. GERM. MAX
DACIVS. MAX. PRINCEPS. IVVENTVTIS
LITVS. VICINVM. VIÆ. SEVERIANÆ. ADSIDVIS. MARIS. ADLVENTIBVS
HLVCTIBVS. AD. LABEM. MINÆ. LABEFACATVM. AGGERIBVS
MARINI. OPERIS. IN. FVNDAMENTIS. VT. PERICVLVM
COMMEANTIBVS. ABESSET. EXTRVI. CVRARVNT.

RVINÆ

VIII.

A N A G N I A E.

IMP. CÆS. L. SEPTIMI. PII. PERTINACIS. AVG. ARAB. ADIABENICI
PARTHICI. MAXIMI. FORTISSIMI. FELICISSIMI. PP. FILIO
M. AVRELIO. ANTONINO. PIO. FELICI. AVG. TRIBVNIC
POTESTAT. IIII. COS. PROCOS. S. P. Q. ANAGNINVS.

I X.

L. COELIO. L. F. QVIR. RVFO. V. C. FLAVIALI. SACERDOTI
SPLENDIDISSIMO. PONTIFICI. MINORI. COOPTATO. IN. COLL
OMNIVM. FAB. CENTONARIOR. ET. DENDROFOR. CVRATORI. TRIUMPHI
IMP. CÆS. L. SEPTIMI. PERTINAC. AVGVSTI. PARTHICI
ARABICI. ET. PARTHICI. ADIABENICI. MAXIMI. CONSVLARI
CAMPANÆ. ET. APVLÆ. BIS. CORRECTORI. TVSCIÆ. ET. VMBRIÆ
ET. PICENI. PROCVRATORI. LVDI. LITTERARI. IIII. VIRO. VIARVM
STERNENDARVM. VIÆ. SEPTIMIÆ. PROCVRATORI. XX. HERED.
BRVTIÆ. ET. CALABRIÆ. CVRATORI. ÆDIFICIORVM
AQVARVM. QVÆSTORI. ÆRARI. SATVRNI. PATRONO. COLONIÆ
RICINNIE. HELVIÆ. IN. CVI. CVR. ET. OF. BENEMERITO. RICINNATI
HELVIANI. SVA. IMPENS. IN. FORO. CÆSAR. DD.

X.

Propè ruinas Vie Sacre.

IMP. CÆSARI. L. SEPTIMIO. SEVERO. PERTINACI
AVG. P. M. TRIB. POT. III. IMP. IIII. COS. II
ARABICO. ADIABENICO. FRATRI. ARVALI.

